

大洞金華玉經

卷三

夫得受大洞之訣洞一上道唯一合變當先誦帝君上願玄母八間金華隱書斯乃九天帝君懷中禁書也若傳授弟子當先告齋前後各一日又清齋一百日乃得付之中齋七十日下齋三十九日對齋苦行而相傳授焉不審其人無齋而傳付者經師當死受者失兩明焉齋不苦切經師當病受者失口焉施重於經師防輕覽也史加於弟子慎口目矣怒重禍於七世惠結生於冥考若得此經受便施行不得怒犯懈替宣泄之約一如上法。經師於三齋如奉君父焉考幽室於闌林如寂無人焉存五神於紫房如真靈之在焉非君師父子兄弟之施者必勿受矣示虛真之物用明守禁之難犯也非君師父子兄弟之室者必勿履矣示止足之勿廣明隱逸之抱一也非君師父子兄弟之服者必勿服矣示天親之勿多明盈溢以自裁也研天精之妙覺絕萬累之近想而五行彰於辛苦絕跡同於無景三餐足於山澗寔誠著於遂佳爾

乃聲馳於五老之室德舉於三清之上保內凝於明玉使衣中解而不穢念三元於泥丸守九真於形宅吐納五華呼吸玉液朝暮求仙於空同寢息存神於太漠孜孜不倦勤勤不釋如此之人始可與言大洞之門戶預求道之妙想矣奉之者登三晨遊太霄遠之者沒三泉入太幽

夫傳授之者當令經訣再出勿頓授者也先授法訣者欲令其施行存思精鍊五形感念紫房流穢蕩情專貞抱一旦夕期靈故大丹

隱玄號曰金華經三元玉晨是曰雌一精也按存修雌一三年之後乃又得誦大洞真經三十九章耳今受此訣亦得施行施行訣事必獲神仙不必俱持大洞真經而一通之也夫存感篤誠合真對景三元見矣自獲此經

玄虛降授黃老告符運靈引曜五老散華空中受文即登太無

帝君十二願篇曰願天願地願風願雲願陰願陽願太空願太無願太虛願大有願自生願生神也玄母八門行間篇曰願玄母

與我俱生於生氣之間與我俱存於日月之間與我俱保於九天之間與我俱食於自然之間與我俱飲於抱河之間與我俱息於玉真之間與我俱寢於仙堂之間與我俱遊於三玄之間

兆在別室常當讀是經不忘須臾此為內願帝君開善八間者矣今五嶽諸仙及神州仙女猶酌瓊漿而按珍果說大願陳八間期太素奉三元志霄晨為玉真拔七世入廣寒豈况世中之庸根五濁之微賤者哉當可替而

修聞而不為耶夫形神雖精苦於生生而七世有罪而不解者已亦必無仙翼也是以須啓大願陳八間以釋其積結耳七考既福兆乃可不死不死者乃得道之宗本為仙之根始志行是業者可不勉勵於長存哉

九天帝君十二上願九靈玄母八間神門文迴元五通禳除世殃上福七祖身致神仙靜於密室散香正煙而讀大洞金華經曰北極天皇太一帝君玉清紫虛二景明圓無上大道太素三元四方五老六蓋七晨八上

九靈隱道迴元玄母五通金華高仙司命天師主生大神大微天炁以懸因緣上願九玄護魄扶魂明真元炁並來在身仰招元上五通大仙俯逮无下隱道迴元七世積罪全為結散受福南宮灑香八門願天願地願風願

雲四願一合定籍長生天蓋胎根地助曜靈神風八扇景雲流盈我與帝君同廳上清觀躬北玄解帶玉庭慶加七祖玄考科真上願四達壽與日傾中願亦四領理帝君書願陰願陽願太空願太元三五明神七九所居帝

君元父定生之初玉皇凝駕常在我虛我存紫房泥丸桃康凝陰固血魂生太陽靈空映暉太元履長空无九炁與我黃裳七考介福受仙南宮下願亦四長生仙府乃願太虛又願大有神存九天形遊真字帝君混合徊遊

七九禍去我室福來我取惡言消亡順言善愈復願自生天地為父復願神生和氣為母迴元五通有除罪垢福冠七葉超生彌久願言高皇帝君合唱音逸霄八響萬暢靈翰逆衝千真同憤從劫至劫常會十二慶大哉

帝君恩萬福迴元又願八間玄母連神八間之唱九靈洞躬

上願玄母與我俱生於生氣之間得使紫景映虛天人合符飛真凌羽而我與之俱天樂娛心離脫百憂七玄稱慶上靈所扶

次願玄母與我俱存於日月之間三光之際大帝併軒青旄綠蓋華鞞繡帔錦服玉帶攜提五老同賓四大入晏華寒出躬八外

三願玄母與我俱保於九天之間乃凝真圓曜爽心內鍊炁溢靈堂感神萬千身昇九霄考福重玄散帶空同撫輪累天吉享七世更生為人我保太真與日同年

四願玄母與我俱食於自然之間永離三徒長會自然七寶玉粒金丹紫芒隱芝右撥左拾夜光鳳胎虎珠雲環瑰霜奇味一御則身拂太空

五願玄母與我俱飲於乾河之間而流津萬崖既清且甘迴水玉精靈潤碧藍上注絕霄流源神堂橫波鬱踊鼓扇太空浮遊浩清飲歌東蒙高揖霞展奇樂滄浪七考得仙介福

洋洋體普九河所向咸康

六願玄母與我俱息於玉真之間消我上虛洞逸霄清五老羅室玉華告靈西王飛軒策羽流耕與我俱息九玄之庭慶鍾七考受胎更生身架瑣宇神栖圓明

七願玄母與我俱寢於仙堂之間幽妙靈房玄華四陳朱宇鳳構光明映軒金床玉榻紫帷龍門上坐玄皇中席天真我處其右携帶纏綿大福七考受書更生


八願玄母與我俱遊於三玄之間乃逸鬱太漢迴耕三玄五老扶胥玉母比肩備輪神丘侍駕九天定書太上受位為真雌一九混從億至千洞經八響七祖獲仙從劫至劫常會八間八間在何永我因緣五老降福道德誦說萬氣上生固保泥丸願言既早日月同年

大哉虛生玄母動靜八門行間

徊風大混合帝一之道存修九圖

修本經存祝名都畢更開兩目存此百神變成白氣如日煙之狀從玄虛中來入口中鬱鬱良久覺白氣下從下部孔中出又從玉莖

孔中出又亮白氣從兩脚底兩手心中出並  
冠纏一軀上下手足混合一身



與白氣同煙上下不相見也



良久白氣忽復變色成紫雲鬱鬱又從我口  
中入頭中及至五藏之間充滿腹內



良久紫雲又從而足底兩掌心大孔並孔  
中出冠繞一體



良久鬱然上下與紫雲合形不相見也



須臾存紫雲之氣充滿左右及一室之內又  
存見口中出風氣之屬紫雲之烟乃回轉更  
相纏繞結




忽成一真人男形也猶生之狀長四分號曰

大洞帝一尊君名父寧在字合母精是守死  
關之衆神回風混合共成帝一之尊君也



又存此尊君未入我口中舌下復從舌下徑  
上昇紫房六合宮平坐外向尊君左手把兆  
五籍右手把兆五符尊君口之左邊有日光  
徑九分尊君口之右邊有月光徑一寸尊君  
口舌吐御風之氣吹此日月之光皆鬱鬱或  
白色或赤色今光氣下入兆五藏六府百節  
一身之內洞徹朗然內外如白日之狀良久  
忘身忽然事訖



此圖眉間略畫形像即存知第八圖大在  
紫房六合宮即泥丸宮是六合



乃心祝曰

大洞帝一 果三 太素尊靈 父事母精 八

二合變成 百真大混 一初始生

身結八烟 變胎元嬰 日月寶光

洞我軀形 太一在上 與帝合并

泥丸保玉 五藏華明 長合日月

手執洞經 位為仙翁 神升上清

三十九章 金符羽庭

此是徇風大混合帝一之道畢也萬變百化洞真太一之法極盡於此矣

夕夕常存大洞帝一尊君在兆鼻下人中中

央白日常存在口內上齒之外鼻下人中上

唇之裏也尊君形皆當向外坐立起居在意

存之存尊君口中銜日光裡九分照明萬丈

同朗此身夫一者帝之真一也一之所變歸

一者也讀洞真經時亦存帝一尊君在兆面

前以尊神口對兆之口間令相向聽我讀洞經之音以散七世之結焉

帝一尊君諱父寧在字合母精日夕恆憶之

勿忘辟萬試滅千患除惡魔致神仙也若兆

體中有疾痛不寧慮念存帝一尊君今口吐

日光白氣熏我痛疾處痛疾即愈也 果二

帝一尊君形如始生之男不着衣服身長四

分耳所謂大混反胎始形之真也

大洞內法存修神真一十三圖

按九官前後逐官相背向背遮影不能對見

難以正面圖畫今據排次第即在右側作正


面畫却況若側身畫印又存想不正請存各

官真神並面向前正坐其中三真者即二真

相對今如隱居注首寸與明堂共得一寸雖

正畫成亦係在右邊也精詳存用如經九年

白日昇天



果二

大洞金華五經

